





adificatio homo in domum spiritalem, & conscribitur quasi quaedam spiritualis epistola: sed per sacramentum Confirmationis, quasi domus edificata dicitur in templum spiritus Sancti, & quasi epistola conscripta signatur signo Crucis. Et ideo collatio huius sacramenti Episcopis referuntur, qui obtinent summam potestatem in Ecclesia. Sicut & in Primitiva Ecclesia per impositionem manus Apostolorum, quorum vicem gerunt Episcopi, plerumque Spiritus Sancti dabatur, ut habetur Act. 8.

S. III.

Contraria Solvuntur.

XII. Obijciunt primo. Cum Apostoli simul Episcopi, ac Presbyteri essent, vix digni potest. eos non tantum Presbyteros, sed etiam Episcopos sacramentum Confirmationis administrasse ergo ex facto Apostolorum non concluditur magis, Ministris esse Episcopos, quam Presbyteros.

Respondet, neg. ant. Id enim colligitur ex eo, quod inferiores Ministri alia munera sepius obierint. Philippus Diaconus Catechumenos baptizavit, & infidelibus Evangelium predicavit; licet Apostolus hanc dispensationem concesserit, juxta illud Pauli, 1. Cor. 1. ver. 17. Non misi me (Christus) baptizare, sed evangelizare. Contra inferiores Ministri licet ab eis baptizati, nunquam manus imponere Apostolorum etate ausi sunt, ut observat Chrysolostus in 1. 8. Ad Rom. dicens, quod alii ab Apostolis potestatem quidem acceptam sciendi signa, non tamen Spiritum Sanctum alii dandi. Hoc erat in Apostolis singulariter. Unde Philippus Petrum, & Joannem in Samaritaniam evocavit, ut a se, absentibus Apostolis, baptizatis manus imponerent.

XIII. Dices. Ananias non erat Episcopus: nullus enim ante Pauli conversionem ordinatus fuerat Episcopus; & tamen Paulo manus imposuit. Dicitur enim Act. 9. ver. 17. Et imposuit ei manus, dixit: Saul frater, Dominus misit me Jesus, qui apparuit tibi in via, qua veniebas ut videres, & implearis Spiritu Sancto. Impositio autem manus, qua dabatur Spiritus Sanctus, erat confirmativa illius, quam dabat Apostolus; ergo hanc, prater Apostolos, alii dare poterant.

XIV. Respondet, neg. maj. Ananias enim forte erat Episcopus, ut ostendimus infra, Qu. 3. D. 2. nu. 4. disting. min. Manus imposuit impositione curativa, conc. min. confirmativa, nego min. Impositio ergo manuum Ananias super Saulum fuit sanativa ejus a cecitate corporis, & mentis, nimirum, ab infidelitate; & hoc est, quod dicit: Ut videres, & implearis Spiritu Sancto. Non autem confirmativa, & roborativa: quia ante Baptismum facta, ante quam homo Confirmationis capax non est: prius enim debet vitam spiritualem per Baptismum accipere, deinde per confirmationem roborari. Quod autem ita fuerit, Scriptura dicit: Imposuit enim ab Anania super Saulum manus; Confessum cecidisse ab oculis ejus, ut illam etiam impositionem minus secuta est repletio Spiritus Sancti in Saulo non ad robur, sed ad vitam; regeneratus enim fuit in novam creaturam per Baptismum, non per impositionem manus.

Quamvis autem non legatur, Paulum alius fuisse confirmatum, nihil obstat. Nim nec legitur fuisse ordinatum Episcopum, cum tamen fuerit ordinatus: non autem ab Anania, qui hoc peragere non poterat, cum non esset Episcopus: ergo ab alio, qui esset Sacerdos, & Episcopus; & ab eodem simul potuit confirmari, sive hic fuerit Petrus, sive alius Apostolorum: non enim omnia scripsi sunt.

XV. Obijciunt secundo, & iterum dices. Imponere manus est actus proprius Presbyteri, dicente Paulo, 1. ad Timoth. 4. ver. 14. Noli negligere gratiam, que est in te, qua data est tibi per prophetiam cum impositione manuum Presbyterii, ergo manus Presbyteri est manus imponere, & subinde confirmare.

Respondet, neg. ant. Nec enim eo loci Paulus agit de Confirmatione Timothei, sed de ejus Ordinatione in Presbyterium, & Episcopum; fuerat enim ab ipso Paulo Ephesorum Episcopus ordinatus. Unde non dicit Paulus cum impositione manuum Presbyterii, sed Presbyterii: quod designatur conventione Episcoporum, qui in ordinatione Episcopali sit: Episcopus enim per plures, non per unum Episcopum ordinatur. Vel si loquatur de Ordinatione Sacerdotii, ly Presbyterii non designat persona Ministri, sed species Ordinationis. Vel si loquatur Presbyterii (ut olim legebatur) dico cum S. Thom. hic Lett. 3. quod Nomina Presbyterii, vel Episcopi sunt promissa; quia Sacerdotes, & Presbyteri, id est, Episcopi erant, qui recipiebantur cum manibus impositione.

XVI. Obijciunt tertio. S. Hieronymus, Dial. adv. Luciferianos, dicit: Quod si in hoc loco quis: quare in Ecclesia baptizatus, nisi per manus Episcopi non recipit Spiritum Sanctum, quum non affirmato in vero Baptismo, tribuitur. Dicit, hanc observationem ex se auctoritate defendere, quod per ascensum Domini, Spiritus Sanctus ad Apostolos descendit, & multis in locis idem factum reperimus, ad hunc usque potius Sacerdotii, quam ad legis necessitatem.

Item Epist. c. 101. (alias 85.) ad Evangelium (seu Evangelium) sic: Quid enim fecit, excepta Ordinatione, Episcopus, quod Presbyter non faciat? Chrysolostomus etiam, Hom. 18. in Acta, ait: Philippum nominavit datus Spiritum Sanctum Samaritanis, ut illud honoris Apostolis d-ferret.

XVII. Respondet, S. Hieronymus in priori loco supponere, solum Episcopum esse Ministrum Confirmationis; dum ait, baptizatum nisi per manus impositionem Episcopi non accipere Spiritum Sanctum; ideoque nobis favore. Dum vero

ait, hoc esse ad honorem Sacerdotii potius, quam ad legis necessitatem; solum indicat, hoc non esse ex natura rei, cum aliis modis dari possit Spiritus Sanctus sed ex voluntate, & institutione Christi, qui summum Sacerdotium specialiter honorare voluit, dando ei speciale prerogativam, quam simpliciter Presbytero dare noluit; quia si in summo Sacerdote dignitas specialis non sit; & potestas eminentis: Tacet (inquit) in Ecclesia efficienter christiana, que Sacerdotes.

Ad id, quod posteriori loco dicit Hieronymus dico, verba illa sumenda esse cum distributione accommodata, non excludendo manus impositionem. Neque enim Presbyter Christus conficere, altaria consecrare, aut in fronte chrismare potest. Solum enim ibi intendebat, quod licet Presbyter non possint ordinare, possunt tamen Episcopum nominare; sicut exercitus nominare potest Imperatorem, non tamen omnia, que Imperator potest, exercitus potest.

Sancus Chrysolostomus vero in aliena sententia loquitur; subdit enim, ut supra diximus: Unde mea sententia hoc Philippus unus ex septem, secundum a Stephano, ideo & baptizatus Spiritum Sanctum non dabat: hoc enim domum solis duodecim Apostolis datum erat: Ad id, quod honor ille, quem Philippus deferebat Apostolis, voluntarius non erat, sed necessarius; quia soli illi potestate fangebatur.

XVIII. Sed in talibus ex Calvino, lib. 4. Instit. cap. 16. ver. 10. Velle, quod sacramenta pendant a dignitate Ministri, est sentire cum Donatistis: Nonne (inquit) se Donatistas produnt, qui vim sacramenti a Ministri dignitate asserunt?

Respondet, Calvinus de more, vel falli, vel fallere velle. Error enim Donatistarum, ut in Tract. de Sacram. in gen. diximus, non in eo situs erat, quod vis sacramenti a speciali potestate, characterē penderet; sed in eo, quod volebant, pendere a fide, & probitate Ministri: unde Sacramentum a malo Ministro collatum nullum esse asserant. Ceterum, quod in Ministro aliquorum sacramentorum requiritur specialis potestas, ita ut non a quolibet conferri possint; Ecclesia Catholica semper docuit. Immo Calvinus ipse nec Baptismum a quolibet conferri vult; ideoque non incepti, quod Baptisma in casu necessitatis conferri permittimus a laicis, etiam feminis.

XIX. Obijciunt quarto. Non soli Episcopi Apostolus succedunt, sed etiam, & non minus, simplices Presbyteri; ergo ex quo Apostolus Confirmationem dederit, non arguitur, solos Episcopos, & non Presbyteros, esse illius Ministrum. Ita Calvinus citatus, his verbis: An soli Episcopi Apostoli? Immo an omnes Apostoli? Respondet, dist. ant. In aliquibus, conc. ant. In omnibus, neg. antec. Presbyteri in aliquibus quidem succedunt Apostolis; non tamen in omnibus, in quibus illi succedunt Episcopi. Apostoli enim fuerunt primi Christiani, primi Sacerdotes, primi Ecclesie rectores. Apostolis, ut primis Christianis, succedunt omnes Christiani, Episcopi, ut Sacerdotibus, succedunt omnes simplices Sacerdotes, seu Presbyteri. Eisdem vero, ut Rectores Ecclesie, seu Episcopi, soli Episcopi in suis Diocesis succedunt. Cum ergo manus imponere baptizatis conveniret Apostolis, ut Ecclesie Presidibus, seu Episcopis; tum quia, ut diximus, baptizati ab aliis ipsi soli manus imponebant; tum quia confirmare est quasi templum spirituale edificatum per Baptismum dedicare Spiritui Sancto, & fideles quasi sicut epistolam obfirmare, quod fides supremi in illo ordine manet, ut diximus ex S. Thom. ideo soli Episcopi, seu Ecclesiarum Prædices in hoc illi succedunt.

XX. Sed opponit Calvinus: Demus & istud. Cur non etiam argumentum comprehendat, solis Episcopis sacramentum sanguinis in Cena Domini ministrandum esse, quod laicis ideo denegatur, quia soli Episcopi a Domino dantur sunt?

Quæ confirmari possunt. Apostolus dictum fuit, ut Eucharistiam conferret: Hoc facite in meam commemorationem. Apostolus dictum fuit, ut baptizaret, doceret: Docete omnes gentes baptizantes: sed Eucharistiam conferre etiam Presbyteri minus est, sicut & baptizare: immo in necessitate quicumque baptizare potest: cur ergo non etiam Confirmare Presbyteri conceditur? Si Sacramentum Eucharistie, quod dignus est, conferre presbyteri possunt, cur non & Confirmationis?

XXI. Respondet, reddendo rationem cur non soli Episcopi concedatur sacramentum Sanguinis, & licet laicis denegetur, non denegetur Presbyteris. Quia non soli Episcopis, sed & Presbyteris datum est conferre Eucharistiam, ut Sacramentum est. Cumque de ratione Sacramenti sit separatio sanguinis a corpore victimæ, ut suo loco dicitur; ideo Presbyteri possunt, & debent utrumque separatum, & conferre, & sumere, nempe, Corpus, & Sanguinem Christi. Laici autem, qui non possunt Sacramentum, sed tantum sumit sacramentum, contenti esse debet sumere Corpus, quia cum eo sumit etiam Sanguinem.

Ad Confirmat. dico, non omnia, que Christus dixit Apostolis, dicta sunt illis, ut Apostolis, seu ut Ecclesie Prædices; sed solum ea, que spectant ad officia in Ecclesia distribuenda: Tali autem sunt Confirmatio, quia fidelis signatur, ut tamquam miles Christi sitem ejus publice professetur. Et Ordo, quo homo deputatur ad cetera sacramenta fidelibus dispensanda. In quorum numero non sunt Eucharistia, & Baptismus: per Eucharistiam enim homo non deputatur ad quod officium, sed ipsi est finis omnium officiorum. Nec officium, quod fit præstantissimum sacramentum. Nam hæc dignitas non est petenda a Ministro conferente, sed a re, quum conferunt, nempe Christum, ut diximus in Tract. de Sacram. in Gen. Qu. 3. D. 2. S. 2. nu. 5. & dices infra in Tract. de Euch. Quod Baptismus vero dicit S. Thom. hæc qu. 72. art. 11. ad 2. Quod sacramentum Baptismi est officium, quum hoc sacramentum, quum:

quantum ad remissionem mali; eo quod spiritualis generatio, qua est materia de non esse in esse. Hæc autem, sacramentum est efficiens ad perfectionem in bono, quum est quoddam spirituale augmentum de esse imperfecto ad esse perfectum. Et ideo hoc sacramentum digniori Ministro committitur.

XXII. Obijciunt quinto, faltem divino Jure non competere solis Episcopis ordinarius Confirmationis ministerium. Primo, S. Ambrosius, in cap. 4. ad Epist. dicit: Apud Egyptianum Presbyteri confitentur, si presbiter non sit Episcopus.

Secundo, Concil. Hispalense II. anno 419. Can. 7. Quamvis (inquit) cum Episcopo plurima illis (Presbyteris) Mysteria communia sit dispensata; quædam tamen auctoritate veteris legis, quædam novellæ, & Ecclesiasticæ regulis sibi prohibita noviter (Presbyteris) licet Presbyterorum, & Diaconorum, ac Virginitatis consecratio. Si quidem nec licere eis. . . per impositionem manus fidelibus baptizatis, vel conversis ex hæresi Paganorum Spiritum tradere, nec Christum conficere, nec Christum baptizatorum frons signare &c.

XXIII. Respondet, neg. ad. assumptum. Ad primum, dico primo, Commentarios in Epistolas Pauli, non esse S. Ambrosii, sed Hilarii Sard. Episcopi Romane Diocesi. Secundo: suppositum illum Ambrosium, consuetudinem illam, seu usum in Aegypto referre quidem, sed non probare. Tertio: solum sequi, Presbyteros Aegyptios ob inopiam Episcoporum, tamquam Ministris extraordinariis esse dispensatione quarto seculo confirmationem administrasse.

Ad secundum respondeo, Concilium Hispalense illum Canonem hæc occasione edidisse. Cum enim Agrippis Cordubensis Episcopus ad Episcopatum ex militia translatus, ex ignorantia Canonum, Presbyteris inter multa, que solis Episcopis conveniunt, etiam Confirmationem admittente permittisset; id agere ferentes illum Concilii Patres, probant; id non licere. Tum ex Veteri Testamento, tum ex Novo, & Ecclesiasticis etiam regulis; quod indicant illa verba: Quædam auctoritate veteris legis; quædam novellæ, & Ecclesiasticæ Regulæ. Ubi Novellæ Regule Veteri Testamento opposites; Novum Testamentum, veteri opponit; & sciunt sensum: quod concedere Presbyteris ea, quæ munia Episcopi sunt, est contra regulas veteris, & novi Testamenti, & Ecclesiasticas, & consequenter contra Jus, tum divinum, tum Ecclesiasticum.

D I S C U S S I O II.

An simpliciter Presbyteri possint esse Extraordinarii Confirmationis Ministri?

S. I.

Resolvitur Dubii.

Dico. Possunt simpliciter Presbyteri ex dispensatione Summi Pontificis esse extraordinarii Confirmationis Ministri. Ita S. Th. 3. q. 72. art. 11. ad 1. his verbis: Papa in Ecclesia habet plenitudinem potestatis, et quæ potest quædam, que sunt superiorum ordinum, committere quibusdam inferioribus: sicut quibusdam Presbyteris concepit conferre minores Ordines, quod pertinet ad potestatem Episcopalem. Et ex hac plenitudine potestatis concecit S. Gregorius Papa, quod simplices Sacerdotes hoc sacramentum conferrent, quousque scandalum tolleretur.

Factum autem S. Gregorii tale fuit. Monitus S. Pontifex, simplices Sacerdotes in Sardinia jus ministrande Confirmationis sibi arrogantes: data ad Januarium Episcopum Calaritanum Epistola, quæ est modo, l. 4. Ep. 9. id eis venit. Verum cum postea rescisset, hanc prohibitionem multis fuisse scandalo, id concessit, quod antea negarat. Data enim altera ad Januarium Epistola, quæ est ejusdem libri vigesima sexta, hæc scripsit: Pervenit quædam ad nos, quodam scandalizatos fuisse, quod Presbyteros Chriftismo tangere in fronte nos, qui baptizati (alias baptizandi) sunt prohibuimus. Et nos quidem secundum usum veteris Ecclesie nosse fecimus: Sed somnium hæc de re aliqui conceperunt, ubi Episcopi desunt, ut Presbyteri etiam in frontibus baptizatos (alias baptizandos) Chriftismo tangere debeant, concedimus.

Neque obest, quod loco Baptizatos, aliqui legant Baptizandos; ac si loquatur de nuda ceremoniam, que ante Baptismum, sive in Baptismo fieri solebat. Nam S. Gregorius loquitur de unctione Chriftismatis, & in fronte. Unde, ut præcedebat Baptisma, oleo fiebat, non Chriftismo: Unde etiam, que in Baptismo fiebat, non in fronte, sed in vertice erat. Deinde eam unctionem concessit Presbyteris, quam antea prohibuerat; secundum morem antiquum hæc Ecclesie: sed mos antiquus Ecclesie Romane erat, quod soli Episcopi signarent in fronte signaculo Confirmationis; non vero quod ungerent, sive oleo, sive Chriftismo verticem in actu baptizandi; sive ante Baptismum: hoc enim Presbyteris semper licuit, ergo &c.

II. Neque dices, S. Gregorium hoc permisisse vitandi scandali causa, non approbasse: fiebat enim: hoc esse contrarium Traditioni — Nam contra hæc ita illud verbum concedimus, quod non nudam tolerantiam significat. Cumque ex adverso dicat, se antea prohibuisse, secundum usum veterem Ecclesie, fiebat, utpote in Traditione permissum, sibi in hoc dispensandi facultatem non desse: alioquin si aliquorum in Sardinia scandalum timuit ex prohibitione, cur scandalum in toto Orbe non timuisset ex tali concessione, sive indulgentia, si de sua potestate certus non fuisset? Potuit ergo id concedere Gregorius, nec quicumque ex quovis seculo postiore hoc improbat. Immo tamquam regula inserta fuit a Gratiano in Decreto, dist. 95. Cap. Pervenit.

Gezi Theol. Tom. III.

III. Hanc Gregorii concessionem tacite approbavit Eugenius IV. in Decreto pro Armenis. Ubi postquam dixit, ordinarius Confirmationis Ministerium esse Episcopum, subiungit: Legitur tamen, aliquando per Apostolica Sede dispensationem ex rationabili & urgente admodum causa simpliciter Sacerdotem Chriftismo per Episcopum confecto hoc administrasse Confirmationis sacramentum. Accedit etiam Tridentinum, quod sess. 7. Can. 3. solum damnat eum, qui dixerit; Sancta Confirmationis ordinarius Ministerium non esse solum Episcopum. Ex quo inferre licet, posse extraordinaria potestate Ministerium fieri etiam simpliciter Presbyterum. Quod confirmant varie concessionem factæ a Summis Pontificibus, qui ut refert Atædus, Missionariis apud Indos ex Episcoporum penuria facultatem chrismandi dederunt; ut de Missionariis Societatis apud Brasiliam testatur est P. Ludovicus Fonseca, anno 1593; & de Missionariis Minoritis Adrianus VI. cujus authenticum servatur in Monasterio Hispalensi S. Francisci. Quamvis autem Adrianus, non esset Theologus oppositum tenuerit in 4. Sent. factus tamen Pontifex opinionem suam retractasse credendum est.

IV. Probatur secundo ex praxi Græcorum. Nam Græci Presbyteri (faltem a multis seculis) Confirmationem, ut extraordinarii, non ordinarii Ministri conferunt. Atqui valide conferunt; ergo &c. Maj. probatur ex Euchologis, quibus a multis seculis utuntur: hæc enim habent in Officio S. Baptismi: Unctio tota corpore baptizati eum (Catechumenum) Sacerdos, etiam illum tenens, & ortum solis respicientem & dicit: Baptizatur Servus Dei N. in nomine Patris, & Filii, & Spiritus Sancti, nunc, & semper in secula seculorum Amen. Et postquam unctus fuerit, adjicit Sacerdos orationem hæc: Benedicte es Domine Deus Omnipotens. . . Qui recens illuminatum regenerare voluisti. . . Signaculum domi Sancti Spiritus. . . ei largire, in sanctitate tua custodi illum; in vera fide confirma: Et oratione hac terminata, baptizatum sancto unguento unctis, Crucis signum faciens in fronte; & in costis, & in manibus. & in utraque aure, & in pedibus dicens: Signaculum Sancti Spiritus. Amen.

Hanc Græcorum ritum esse ipsammet Confirmationis sacramentum: ex eo patet, quod complectitur Orationem: Benedictus Deus &c. hæc verba Signaculum &c. ex quibus earum lesere adquatam Confirmationis formam diximus; & insuper unctionem, seu materiam, seu intentionem ex parte Ministri eum confirmandi.

V. Minor vero prob. primo. Græcos schismaticos in sua Ecclesia confirmatos, dum ad unitatem redeunt, Ecclesia Romana nunquam iterato confirmavit. Nec enim aheri potest tempus, locus, subiectum in quibus data a Presbyteris Græcis Confirmatio, ab Ecclesia Latina fuerit iterata. Secundo. Nunquam Romani Pontifices Presbyteris Græcos prohibuerunt, ne hoc sacramentum, juxta suorum Euchologiorum veterem usum, instantibus immediate post Baptisma conferrent. Tertio soluta Florentina Synodo Eugenius IV. inter varia quæstia, quæ Græcis proposuit, hæc fuit: Quare Pontifices non inveniunt sacra Chriftismo, sed Sacerdotes, cum hoc Pontificibus sit datum? Cui, & aliis quæritis Episcopum Mytilinensem satisfecisse; ostendunt hæc verba ad calem Concilii Florentina posita, nempe: Quæ a Latinis obijta Mytilinensi Præsuli legitime, & secundum Canones omnia dissoluta, præterquam duo; videlicet, separationem matrimonii quoad vinculum, & creationem Patriarchæ extra Constantinopolim.

VI. Non distinet tamen, aliquos Latinorum extitisse, qui confirmatos a Presbyteris Græcis, redeunt ad unitatem iterato confirmarent; de quibus Marcus Ephesus, Epist. ad omnes Orbis Christianos data, conqueritur: Latini (inquit) nos illos ungebant; & Chriftismo appellabant — Sed hæc quædam praxis ab Ecclesia Romana nunquam probata fuit. Gregorius enim prototyocellus in Epistola, qua consuevit Marci Ephesi præfata Epistolam, aperte testatur, usum illum a Florentinorum Patrum mente alienum fuisse: ait enim post concordiam: Cum Orthodoxi essent, ab Orthodoxis Orthodoxi iudicantur sumus.

VII. Sed quid dicemus de Nicolao Primo, qui iussit iterum inungi sacro Chriftismo, a Phorio, per Presbyteros in Bulgariam missos, confirmatos?

Respondet hoc fuisse, primo: quia Phocius utpote Pseudo-patriarcha Constantinopolitanus, qui dolo, ac vi Ignatium, & Constantinopolitanam sedem detulerat, omni prorsus Ecclesiastica auctoritate vacuus erat; ac proinde Presbyteros delegare non potuit ad confirmandos Bulgarios, qui nuper Chriftismo fidei nomen dederant. Hoc apparet ex Epist. Adriani II. ad Ignatium, cujus fragmentum refertur in 8. Synodo Oecumenica. Quod si dicit (inquit) Adrianus Ignatium alloquentes) prius a vobis Presbyteris ab ea regione, (Bulgarorum) expulsi, hæc infamia imo. Erant Phociani, illiusque symoniaci, quibus non solum Bulgarios in terris, sed ubique gentium sacra Ordinis interdictimus, interdictimusque.

Secundo. Quia de Bulgaria recenter ad unitatem graviter erat inter Romanum & Constantin. Episcopum contentio. Eam suo Patriarchatu vindicare consuebat Constantinopolitanus: suo esse subiectum Romanum contendebat, nec in eodem illum exercere posse jurisdictionem, ac proinde nec mittere Presbyteros, qui Bulgarios Neophytos confirmarent.

S. II.

Solvuntur Obijctiones.

VIII. Obijciunt primo. Confirmare jure divino solis Episcopis convenit; ergo non potest Presbyteris simplicibus committi.







